



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-1416/21
Vogošća, 25.10.2021. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 25.10.2021. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA IZGRADNJI
VODOVodne I KANALIZACIONE MREŽE U DIJELU ULICE ROSULJE**

Član 1.

Poništava se Otvoreni postupak nabavke radova na izgradnji vodovodne i kanalizacione mreže u dijelu ulice Rosulje broj: 07-11-1416/21, jer nijedna od pristiglih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Odluka o poništenju će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 17.09.2021. godine donio Odluku o pokretanju Otvorenog postupka nabavke radova na izgradnji vodovodne i kanalizacione mreže u dijelu ulice Rosulje, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.09.2021. godine pod brojem: 1353-1-3-168-3-130/21.

Sažetak Obavještenja o nabavci objavljen je u "Službenom glasniku BiH" broj: 59/21 od 24.09.2021. godine.

Tendersku dokumentaciju sa Portala javnih nabavki BiH je preuzeo 21 (dvadeset i jedan) ponuđač.

Krajnji rok za dostavu ponuda bio je 04.10.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.10.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1416/21 iz septembra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

| R.B. | NAZIV PONUĐAČA/GRUPE PONUĐAČA | UKUPNA CIJENA (KM) bez PDV-a | POPUST | CIJENA (KM) SA POPUSTOM bez PDV-a | UKUPNA CIJENA (KM) sa PDV-om |
|------|-------------------------------|------------------------------|--------|-----------------------------------|------------------------------|
| 1 | "Mibral" d.o.o Sarajevo | 255.580,10 | / | / | 299.028,72 |
| 2 | "Bujice" d.o.o Konjic | 259.528,24 | / | / | 303.648,04 |
| 3 | "Manjo" d.o.o Sarajevo | 271.508,14 | / | / | 317.664,52 |
| 4 | "Harysco" d.o.o Sarajevo | 276.939,82 | / | / | 324.019,59 |

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Mibral" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Nisu dostavljeni dokazi traženi tačkom 7.4.1. pod a) TD, ugovor/i za koje su dostavljene potvrde o uredno izvršenim ugovorima druge ugovorne strane (Naručioca), nalog/zi za plaćanje od druge ugovorne strane (Naručioca) koji je izdao potvrdu (kao dokaz realizovanog ugovora) kao ni okončana situacija izvedenih radova.

Također, strana 380 (tri stotine i osamdeset) predmetne ponude je numerisana kao strana 38 (trideset i osam).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Bujice" d.o.o. Konjic ne ispunjava formalno-pravne uslove tražene Tenderskom dokumentacijom i to:

Nisu dostavljeni dokazi traženi tačkom 7.4.1. pod a) TD, ugovor/i za koje su dostavljene potvrde o uredno izvršenim ugovorima druge ugovorne strane (Naručioca), nalog/zi za plaćanje od druge ugovorne strane (Naručioca) koji je izdao potvrdu (kao dokaz realizovanog ugovora) kao ni okončana situacija izvedenih radova.

Također, u ponudi firme "Bujice" d.o.o. Konjic nije upisan ispravan kataloški broj za fazonski komad E DN 100 mm, koji je po tehničkim uslovima VIK-a obavezan upisati.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- III. Ponuda ponuđača "Manjo" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod a) TD traženo je da se dostavi nalog/zi za plaćanje od druge ugovorne strane (Naručioca) koji je izdao potvrdu (kao dokaz realizovanog ugovora), ponuđač "Manjo" d.o.o. Sarajevo je u svojoj ponudi (strana 103 i 113 Ponude) dostavio Izvod od Banke i to samo na iznose po Okončanoj situaciji za izdate Potvrde.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

IV. Ponuda ponuđača "Harysco" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod a) TD traženo je da se dostavi nalog/zi za plaćanje od druge ugovorne strane (Naručioca) koji je izdao potvrdu (kao dokaz realizovanog ugovora), ponuđač "Harysco" d.o.o. Sarajevo je u svojoj ponudi dostavio Izvode od Banke o uplatama po Privremenim i Oknočanoj situaciji tj. nije dostavio nalog za plaćanje Naručioca posla.

Tačkom 7.4.2. pod b) TD kroz Napomenu II ugovorni organ je propisao da će se kao dokazi o radnom angažmanu za tražene osobe prihvatiti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD.

Ponuđač "Harysco" d.o.o. Sarajevo je u svojoj ponudi (strana 112 Ponude) kao dokaz o radnom angažmanu za 1 (jedno) lice po zanimanju KV vodoinstalater dostavio Ugovor o privremenim i povremenim poslovima sa Pleh Sabitom, ali predmetni Ugovor nije potpisan od strane Izvršioca posla tj. Pleh Sabita.

Također, ponuđač "Harysco" d.o.o. Sarajevo je u svojoj ponudi (strana 122 i 123 Ponude) dostavio Ugovor o poslovno-tehničkoj saradnji sa "EKO TEH" d.o.o. Sarajevo za angažovanje VKV tesara i VKV zidar-fasader-izolater, ali nije dostavljena lista osiguranih lica za firmu "EKO TEH" d.o.o. Sarajevo, te Komisija za javne nabavke nije bila u mogućnosti ocijeniti da li su imenovana lica u predmetnom Ugovoru uposlenici te firme.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji vodovodne i kanalizacione mreže u dijelu ulice Rosulje, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Mibral" d.o.o. Sarajevo
2. "Bujice" d.o.o. Konjic
3. "Manjo" d.o.o. Sarajevo
4. "Harysco" d.o.o. Sarajevo
5. Nadležnoj Službi
6. U dosije
7. a/a

033/656-680

036/734-061

033/618-372

033/590-852

